



Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. IV. Furtum pomorum nullo bono suo, sola peccandi libidine, una cum sociis se patravisse.

urn:nbn:de:hbz:466:1-10120

52 S. A V R. A V G V S T. C O N F E S.

transferant , vitæ scelerumque licentiam illis
permitunt , imo & obtrudunt : maluntque eis
Christiani , filios mundi & carnis servos quam
Christi.

2. Discant Adolescentes in parentum , superiorum
que suorum monitis Deum agnoscere ; monitus
enim ad virtutem & emendationem divini sunt,
non humani. Qui illos contemnunt , ut S. Au-
gustinus admonitiones matris suæ , cum illo in
vitiorum gurgitem prolabuntur. Utinam vero
cum illo resurgent !
3. Ecce gradus , quibus in libidinis & impietati
barathrum descendit Augustinus. I. Inordi-
natus amor ludendi lib. 1. cap. 10. II. Men-
dacia & fraudes , eis pueriles. ibid. cap. 19.
III. Lectio poëtarum obscenorum. ibid. cap.
16. IV. Exempla hominum vanorum. ibid.
cap. 18. V. Carnalis amicitia. lib. 2. cap. 2.
VI. In patria otium ab omni Schola. hic c.
VII. Parentis vanitas solum desiderantis ipsius
eloquentiam , negligentis conscientiam. ibid
VIII. Contemptus monitorum maternorum.
ibid. IX. Societas prava. ibid. X. Lice-
ntia ludendi & omnium affectionum. ibid. Ce-
veat adolescens tum semper , tum maxime , dum
domi est in Vacationibus , à solitis studiorum &
virtutum exercitiis feriatus , ne per hos gradus
velut scalas Gemonias sane gemitu dignas ,
exitium devolvatur.
4. Agat Deo gratias , qui hos gradus exitii sui ma-
ture prævidit , vel cui Deus dedit parentes no-
minus æternæ , quam mortalis vitæ autores , aut
alium salutis curatorem & custodem.

C A P. IV.

*Furtum pomerum nullo bono suo , sola pe-
candi libidine , una cum sociis se patru-
visse.*

1. **F**urtum certe punit lex tua Domine ,
& lex scripta in cordibus hominum ,
quam

quam ne ipsa quidem delet iniquitas. **Quis**
 enim fur, æquo animo surem patitur? nec
 copiosus, adactum inopia. Et ego furtum
 facere volui, & feci, nulla compulsus ege-
 state, nec penuria; sed fastidio justitiae, &
 sagina iniquitatis. Nam id furatus sum,
 quod mihi abundabat, & multo melius.
a Nec ea re volebam frui, quam furto appe-
 tebam: sed ipso furto, & peccato. Arbor
 erat pirus in vicinia vineæ nostræ pomis
 onusta, nec forma, nec sapore illecebrosis.
 Ad hanc excutiendam atque exportandam,
 nequissimi adolescentuli perreximus nocte
 intempesta (quousque ludum de pestilentiae
 more, in areis produxeramus) & abstulimus
 inde onera ingentia, non ad nostras epulas,
 sed vel projicienda porcis; etiam si aliquid
 inde comedimus: dum tamen fieret à no-
 bis, quod eo liberet, quo non liceret.

2. Ecce cor meum Deus meus, ecce cor
 meum, quod miseratus es in imo abyssi.
 Dicat tibi nunc ecce cor meum, quid ibi
 quærebat, ut essem gratis malus, & b malitiæ
 meæ causa nulla esset, nisi malitia. Fæda
 erat, & amavi eam, amavi perire, amavi de-
 fectum meum; non illud, ad quod deficie-
 bam, sed defectum ipsum meum amavi.
 Turpis anima, & dissiliens à c firmamento
 tuo in exterminium; non de decore aliquid,
 sed dedecus appetens.

N O T A E.

a Nec ea re frui volebam, quam appetebam, sed ipso furto
 (peccato) Non amavit S. Augustinus furtum, ut
 malum est. Boni enim causa, ait S. Dionysius, cap. 4. de
 sunt omnia, & qua bona sunt, & que mala: quippe div. uom.
 cum hac quoque boni desiderio agamus. Nemo enim
 proposito sibi malo, facit, quod facit. Cujus ratio est,
 C 3 teste

54 S. AVR. AVGUST. CONFES.

2.2. q.8.a
1.c. & q.
27.a. 1.c.

a. Physic.

Valent.
2.2. d. 6.
q. 8. p. 1.

Psal. 72.
28.
Psal. 36.9.

teste S. Thom. quia appetitus & amor est inclinatio appetentis in aliquid, nihil autem inclinatur nisi in aliquid sibi conveniens, sive connaturale & proportionatum, adeoque bonum, nam quod deficit à convenientia, connaturalitate & debita proportione, omnium judicio malum est. Quia vero appetitus sensitivi & voluntatis inclinatio sequitur bonum, ut in apprehensione existit: hinc possumus aliquid appetere, quod non est vere bonum, sed solum apparenter, secundum nostram apprehensionem, unde Aristoteles dixit: quod finis est bonum, vel apparet bonum. Tale bonum erat in apprehensione Augustini, libertas faciendi impune, quod non licet, ex ipso peccantium confortio magis dulcescens.

b Malitia mea causa nulla esset, nisi malitia) Nulla ratio boni delectabilis, vel utilis Augustinum movit ad furtum, sed sola libido utendi illicita libertate. Hanc pravam voluntatem appellat S.D. malitiam, quia est causa malae electionis, quae scienter eligitur peccatum, non ob commodum aut delectationem, quae ex re, verbi gratia pomo percipitur, sed ex ipsa transgressione legis, quantum apprenditur, ut actus sive exercitium falsae libertatis. Hoc sensu dicit S. D. se amasse perire, & non illud ad quod deficiebat, nempe poma, sed defecit ipsum, sive furtum: non sub ratione mali, sed boni apparentis, & sub tenebrosa omnipotentiæ similitudine ut ait cap. seq.

c Dissiliens à firmamento tuo) id est lege divina, quæ firmat hominem in Deo, cui adherere bonum est, qui vero malignantur exterminabuntur.

C A P. V.

Peccata communiter non committi, nisi ex appetitu inordinato adipiscendi bona infra, vel metu ea amittendi.

i. **E** Tenim species est pulchris corporibus, & auro, & argento, & omnibus, & in